

ურთიერთგაგების მემორანდუმი

საქართველოს მთავრობას,

შპს „მედგრუპ ჯორჯიასა“

და

სს „ელექტროენერგეტიკული სისტემის კომერციულ ოპერატორს“
შორის

თარიღი: 25 დეკემბერი, 2015 წ.

თბილისი, საქართველო

წინამდებარე ურთიერთგაგების მემორანდუმი (შემდგომში „მემორანდუმი“) დადებულია შემდეგ მხარეებს შორის:

ერთი მხრივ, საქართველოს მთავრობა (შემდგომში „მთავრობა“), წარმოდგენილი საქართველოს ენერჯეტიკის მინისტრის, კახა კალაძის მიერ;

მეორე მხრივ, შპს „მედგრუპ ჯორჯია“ (შემდგომში „კომპანია“), ს/კ:205206873, წარმოდგენილი დირექტორის, თეა გადრანის მიერ;

მესამე მხრივ, სს „ელექტროენერჯეტიკული სისტემის კომერციული ოპერატორი“, ს/კ: 205170036, (შემდგომში „ესკო“), წარმოდგენილი გენერალური დირექტორის, ვახტანგ ამბოკაძის, მიერ;

დებენ წინამდებარე მემორანდუმს შემდეგზე:

განმარტებები

1. წინამდებარე მემორანდუმში გამოყენებულ ტერმინებს აქვს შემდეგი მნიშვნელობა:
 - 1.1. „სამშენებლო გარანტია“ ნიშნავს სამშენებლო ფაზის ფარგლებში, კომპანიის მიერ ნაკისრი ვალდებულებების შესრულების უზრუნველყოფის მიზნით, კომპანიის მიერ საქართველოს მთავრობის სასარგებლოდ წარმოდგენილ საბანკო გარანტიას.
 - 1.2. „დღე/დღეები“ ნიშნავს კალენდალურ დღეს/დღეებს.
 - 1.3. „ელექტროსადგური“ ნიშნავს ჰიდროელექტროსადგურს, რომელიც განმარტებულია მემორანდუმის დანართი N1-ით.
 - 1.4. „ტექნიკურ-ეკონომიკური განხორციელებადობის კვლევა“ ნიშნავს კომპანიის მიერ მოსამზადებელ კვლევას/ანგარიშს, რომელიც უნდა ადასტურებდეს პროექტის განხორციელების ტექნიკურ, ეკონომიკურ, ფინანსურ და იურიდიულ მიზანშეწონილობას.
 - 1.5. „ელექტროენერჯის გარანტირებული შესყიდვის ხელშეკრულება“ ნიშნავს პირდაპირ ხელშეკრულებას, რომელიც მემორანდუმის შესაბამისად იდება კომპანიასა და „ესკოს“ შორის.
 - 1.6. „სამინისტრო“ ნიშნავს საქართველოს ენერჯეტიკის სამინისტროს.
 - 1.7. „მხარეები“ ნიშნავს მთავრობას, კომპანიას და „ესკო“-ს ერთობლივად.
 - 1.8. „პროექტი“ ნიშნავს ელექტროსადგურის მშენებლობას, ფლობასა და ოპერირებას.
 - 1.9. „სახელმწიფო“ ნიშნავს საქართველოს.
 - 1.10. „ელექტროსადგურის ტექნიკური პარამეტრები“ ნიშნავს ელექტროსადგურის ადგილმდებარეობას, მდინარის ნიშნულებს, დადგმულ სიმძლავრესა და წლიურ გამომუშავებას, როგორც მოცემულია მემორანდუმის დანართი N1-ში.
 - 1.11. „საინვესტიციო ხარჯი“ ნიშნავს მემორანდუმის შეწყვეტამდე პროექტის განხორციელებისათვის გაწეულ ხარჯს, მათ შორის, მშენებლობის ხარჯებს, საექსპლუატაციო ხარჯებსა და პროექტის ფარგლებში გაწეულ სხვა ხარჯებს.

მიზანი

2. მემორანდუმის მიზანს წარმოადგენს კომპანიის მიერ საქართველოს კანონმდებლობისა და ამ მემორანდუმით განსაზღვრული პირობების შესაბამისად პროექტის განხორციელება.

სამშენებლო ფაზა

3. წინამდებარე მემორანდუმით გათვალისწინებული სამშენებლო ფაზა იწყება წინამდებარე მემორანდუმის ხელმოწერის დღიდან და სრულდება ელექტროსადგურის ექსპლუატაციაში მიღების ფაქტობრივ დღეს, მაგრამ არაუგვიანეს მემორანდუმის დანართი N2-ით განსაზღვრული ვადისა.
4. კომპანია სამშენებლო ფაზის განმავლობაში ვალდებულია:
 - 4.1. მოიპოვოს პროექტის განხორციელებისათვის საჭირო ან/და პროექტის არეალში მოქცეულ მიწებზე შესაბამისი უფლებები;
 - 4.2. მთავრობას წარუდგინოს შესაბამისი მშენებლობის ნებართვა;
 - 4.3. მემორანდუმის დანართი N2-ით განსაზღვრულ ვადაში, მშენებლობის ნებართვის საფუძველზე, საქართველოს კანონმდებლობის შესაბამისად, დაასრულოს ელექტროსადგურის მშენებლობა მემორანდუმით განსაზღვრული ელექტროსადგურის ტექნიკური პარამეტრების ფარგლებში და უზრუნველყოს მისი ექსპლუატაციაში მიღება მემორანდუმის დანართი N2-ით განსაზღვრულ ვადაში;
 - 4.4. უზრუნველყოს პროექტის ეფექტური განხორციელებისათვის საჭირო ფულადი სახსრების მოზიდვა;
 - 4.5. უზრუნველყოს მშენებლობა საქართველოს კანონმდებლობით განსაზღვრული უსაფრთხოების, გარემოსდაცვითი და სხვა მოთხოვნების შესაბამისად;
 - 4.6. კომპანია ვალდებულია, საკუთარი ხარჯით უზრუნველყოს საქართველოს მთავრობის, საქართველოს ენერჯეტიკის სამინისტროს, საქართველოს გარემოსა და ბუნებრივი რესურსების დაცვის სამინისტროს ან/და სხვა ნებისმიერი უფლებამოსილი სახელმწიფო ორგანოს სრული და თავისუფალი წვდომა ელექტროსადგურის სამშენებლო პროცესის მონიტორინგის მიზნით;
 - 4.7. კომპანია, უფლებამოსილი სახელმწიფო ორგანოს შესაბამისი მოთხოვნის შემთხვევაში, ვალდებულია, საკუთარი ხარჯით უზრუნველყოს სამშენებლო მასალების ხარისხისა და უსაფრთხოების მონიტორინგი.
5. სამშენებლო გარანტია
 - 5.1. ელექტროსადგურის მშენებლობის დასრულებისა და ექსპლუატაციაში მიღების უზრუნველსაყოფად, მემორანდუმის ხელმოწერიდან 15 (თხუთმეტი) კალენდარული დღის ვადაში კომპანია ვალდებულია, მთავრობის სასარგებლოდ წარადგინოს სამშენებლო გარანტია 150 000 (ასორმოცდაათი ათასი) აშშ დოლარის ან მისი ექვივალენტის ევროში ოდენობით. კომპანიის მიერ წარდგენილი სამშენებლო გარანტია ძალაში რჩება მემორანდუმის დანართი N2-ით განსაზღვრული ელექტროსადგურის ექსპლუატაციაში მიღების დღიდან 2 (ორი) თვის განმავლობაში. კომპანიის მიერ წარდგენილი სამშენებლო გარანტია უნდა იყოს გაცემული სახელმწიფოს მიერ ლიცენზირებული ბანკის ან „ეკონომიკური თანამშრომლობისა და განვითარების ორგანიზაციის“ (OECD) წევრი ქვეყნის ბანკის მიერ.
 - 5.2. კომპანიის მიერ მემორანდუმის დანართი N2-ით განსაზღვრული ექსპლუატაციაში მიღების ვადის დარღვევა გამოიწვევს კომპანიის დაჯარიმებას სამშენებლო გარანტიის 1.5%-ის ოდენობით ყოველ ვადაგადაცილებულ დღეზე. ამავდროულად, კომპანია ვალდებულია დაკისრებული ჯარიმა გადაიხადოს სამინისტროსგან შესაბამისი მოთხოვნის მიღებიდან 15 (თხუთმეტი) დღის განმავლობაში.
 - 5.3. მთავრობა უფლებამოსილია სამშენებლო გარანტიით გათვალისწინებული თანხა გამოითხოვოს სრულად ან ნაწილობრივ შემდეგ შემთხვევებში:

- ა) კომპანიამ შესაბამისი მოთხოვნის შემთხვევაში არ გადაიხადა მემორანდუმის 5.2 მუხლით განსაზღვრული ჯარიმა - გადაუხდელი ჯარიმის ოდენობით;
- ბ) მთავრობა მე-10 მუხლის შესაბამისად წყვეტს მემორანდუმს - არსებული სამშენებლო გარანტიის სრული ოდენობით.

ელექტროენერჯის რეალიზაცია

- 6. ელექტროსადგურის ექსპლუატაციაში მიღებიდან ათი წლის განმავლობაში („საწყისი ექსპლუატაციის პერიოდი“), ყოველი წლის შემდეგ თვეებში: იანვარი, თებერვალი, მარტი, აპრილი, სექტემბერი, ოქტომბერი, ნოემბერი, დეკემბერი, (შემდგომში - „ზამთრის თვეები“) ელექტროსადგურის სრული ფაქტობრივი გამომუშავების რეალიზაცია (არანაკლებ ელექტროსადგურის წლიური გამომუშავების 20%) უნდა განხორციელდეს ექსკლუზიურად „ესკოზე“. ელექტროსადგურის მიერ გამოსამუშავებელი ელექტროენერჯის წლიური საპროგნოზო რაოდენობა აისახება შესაბამისი წლის ელექტროენერჯის (სიმძლავრის) ბალანსში ან სხვა ანალოგიური ხასიათის დოკუმენტში საქართველოს კანონმდებლობის შესაბამისად.
- 7. მემორანდუმის მე-6 მუხლის მიზნებისათვის, საწყისი ექსპლუატაციის პერიოდის ზამთრის თვეებში, „ესკოსთან“ გაფორმებული ელექტროენერჯის გარანტირებული შესყიდვის ხელშეკრულების შესაბამისად, კომპანია ელექტროენერჯის რეალიზაციას განახორციელებს მიერთების წერტილში 1 კვტ.სთ - 5 (ხუთი) აშშ ცენტის ტარიფით. მემორანდუმის მე-6 მუხლში აღნიშნული საწყისი ექსპლუატაციის პერიოდის თვეების გარდა, წლის დანარჩენ პერიოდში, კომპანია უფლებამოსილია საკუთარი შეხედულებისამებრ მოახდინოს გამომუშავებული ელექტროენერჯის რეალიზაცია საქართველოს კანონმდებლობის შესაბამისად.

მხარეთა ვალდებულებები

- 8. პროექტის განხორციელების მიზნით, წინამდებარე მემორანდუმისა და საქართველოს კანონმდებლობის შესაბამისად, კომპანია ვალდებულია:
 - 8.1. უზრუნველყოს პროექტის განხორციელება;
 - 8.2. შეინარჩუნოს ელექტროსადგური ელექტროსადგურის ტექნიკური პარამეტრების ფარგლებში;
 - 8.3. უზრუნველყოს, რომ პროექტის განხორციელების პერიოდში, პროექტზე დასაქმებულთა სულ ცოტა 80% (მენეჯმენტის და ექსპერტების გარდა) იყოს საქართველოს მოქალაქე.
- 9. პროექტის განხორციელების მიზნით, წინამდებარე მემორანდუმის და საქართველოს კანონმდებლობის შესაბამისად, მთავრობა თავისი კომპეტენციის ფარგლებში ვალდებულია:
 - 9.1. მაქსიმალურად დაეხმაროს კომპანიას პროექტის განხორციელების პროცესში, მათ შორის, შესაბამისი დახმარება გაუწიოს საჭირო ნებართვებისა და ლიცენზიების გაცემასთან დაკავშირებით, იმ პირობით, რომ კომპანია სრულად დააკმაყოფილებს საქართველოს კანონმდებლობით გათვალისწინებულ მოთხოვნებს;
 - 9.2. უზრუნველყოს პროექტის განხორციელებისთვის საჭირო სახელმწიფო საკუთრებაში არსებული მიწის ნაკვეთების კომპანიისათვის საქართველოს კანონმდებლობის შესაბამისად გადაცემა იმ პირობით, რომ კომპანია სრულად დააკმაყოფილებს საქართველოს კანონმდებლობით გათვალისწინებულ მოთხოვნებს.

მემორანდუმის გაუქმება

10. მთავრობა უფლებამოსილია ცალმხრივად, კომპანიისათვის გაგზავნილი წერილობითი შეტყობინების საფუძველზე შეწყვიტოს მემორანდუმი შემდეგ შემთხვევებში, თუ:
 - 10.1. კომპანიამ არ შეასრულა მემორანდუმის მე-5 მუხლის 5.1 პუნქტით ნაკისრი ვალდებულება მემორანდუმის მე-5 მუხლის 5.1 პუნქტით განსაზღვრული ვადის ამოწურვისთანავე;
 - 10.2. მე-5 მუხლის 5.2 პუნქტით გათვალისწინებული დაკისრებული ჯარიმის ოდენობა მიაღწევს თავდაპირველად წარდგენილი სამშენებლო გარანტიის ოდენობის 50%-ს ან მეტს;
 - 10.3. კომპანიამ უარი თქვა პროექტის განხორციელებაზე;
 - 10.4. კომპანიის მიერ მოწოდებული ან მთავრობის მიერ მოპოვებული ინფორმაციის/დოკუმენტაციის საფუძველზე ცნობილი გახდა, რომ მემორანდუმით აღებული ვალდებულებების შესასრულებლად აუცილებელი ქმედებები კომპანიის მიერ არ განხორციელებულა და აღნიშნული გრძელდება 30 (ოცდაათი) დღეზე მეტი ვადით.
11. მთავრობის მიერ მემორანდუმის შეწყვეტა გამოიწვევს შემდეგს:
 - 11.1. სახელმწიფოს უსასყიდლოდ გადაეცემა უფლებები (მათ შორის, საკუთრების უფლება) პროექტის განხორციელებისთვის საჭირო ან/და მისი ზემოქმედების ქვეშ მოქცეულ მიწის ნაკვეთებზე, რომლებიც გადაეცემის მომენტისათვის უნდა იყოს უფლებრივად უნაკლო;
 - 11.2. კომპანიას ჩამოერთმევა პროექტის განხორციელების უფლება;
 - 11.3. პროექტთან დაკავშირებულ ნებისმიერ დოკუმენტსა და ნახაზზე (მათ შორის, კომპანიის მიერ შემუშავებულ დოკუმენტებზე) ექსკლუზიური საკუთრების უფლება უსასყიდლოდ გადაეცემა მთავრობას.
12. კომპანია უფლებამოსილია ცალმხრივად შეწყვიტოს მემორანდუმი მთავრობისთვის გაგზავნილი წერილობითი შეტყობინების საფუძველზე შემდეგ შემთხვევებში, თუ:
 - 12.1. მთავრობა არსებითად დაარღვევს მემორანდუმით ნაკისრ ვალდებულებებს. ამ შემთხვევაში კომპანია ვალდებულია უზრუნველყოს მთავრობისთვის წერილობითი შეტყობინების გაგზავნა მემორანდუმის შეწყვეტამდე 90 დღით ადრე.
13. კომპანიის მიერ მემორანდუმის შეწყვეტა გამოიწვევს შემდეგს:
 - 13.1. სახელმწიფოს უსასყიდლოდ გადაეცემა უფლებები (მათ შორის, საკუთრების უფლება) პროექტის განხორციელებისთვის საჭირო ან/და მისი ზემოქმედების ქვეშ მოქცეულ მიწის ნაკვეთებზე, რომლებიც გადაეცემის მომენტისათვის უნდა იყოს უფლებრივად უნაკლო;
 - 13.2. კომპანიას ჩამოერთმევა პროექტის განხორციელების უფლება;
 - 13.3. პროექტთან დაკავშირებულ ნებისმიერ დოკუმენტსა და ნახაზზე (მათ შორის, კომპანიის მიერ შემუშავებულ დოკუმენტებზე) ექსკლუზიური საკუთრების უფლება უსასყიდლოდ გადაეცემა მთავრობას;
 - 13.4. წინამდებარე მემორანდუმის 12.1. პუნქტის შესაბამისად შეწყვეტის შემთხვევაში, კომპანია უფლებამოსილია მოითხოვოს და მიიღოს აუდიტირებული და დოკუმენტირებული საინვესტიციო ხარჯი;
 - 13.5. წინამდებარე მემორანდუმის 12.1. პუნქტის შესაბამისად შეწყვეტის შემთხვევაში, მთავრობა ვალდებულია, კომპანიას დაუბრუნოს არსებული საბანკო გარანტია.
14. მთავრობის ან კომპანიის მიერ ამ მემორანდუმის შეწყვეტა იწვევს მემორანდუმის ყველა მხარისათვის შეწყვეტას და შესაბამისად, ელექტროენერჯის გარანტირებული შესყიდვის ხელშეკრულების შეწყვეტას.

მარეგულირებელი კანონმდებლობა და დავის გადაწყვეტა

15. მემორანდუმი დადებულია და რეგულირდება საქართველოს კანონმდებლობით.

16. ყველა დავა, რომელიც წარმოიშობა წინამდებარე მემორანდუმთან დაკავშირებით, გადაწყდება საქართველოს საერთო სასამართლოების მიერ საქართველოს მოქმედი კანონმდებლობის შესაბამისად.

ფორს-მაჟორი

17. ფორს-მაჟორი ნიშნავს ნებისმიერ მოვლენას, რომელიც ორივე მხარის გონივრული კონტროლის მიღმა და მისი წარმოქმნის წინასწარ განჭვრეტა შეუძლებელი იყო მემორანდუმის დადების მომენტისათვის, მათ შორის: ომი, რევოლუცია, ამბოხი, აჯანყება, შეიარაღებული კონფლიქტი, უცხოური მოწინააღმდეგის მიერ ჩადენილი მტრული ქმედება, ბლოკადა, ემბარგო, ტერორისტული აქტი, საბოტაჟი, სამოქალაქო არეულობა, რადიაცია, ბიოლოგიური ან ქიმიური დაბინძურება, იონიზებული რადიაცია, აფეთქება, ხანძარი, ეპიდემია, ციკლონი, მეწყერი, მიწისძვრა, წყალდიდობა, ვულკანის ამოფრქვევა, სხვა სტიქიური ან ნებისმიერი უბედურება ან მსგავსი მოვლენა.
18. იმ შემთხვევაში, თუ ფორს-მაჟორული გარემოება ხელს შეუშლის მემორანდუმით გათვალისწინებული ნებისმიერი მხარის ვალდებულების ან/და უფლებამოსილების შესრულებას, აღნიშნული დარღვევა ჩაითვლება საპატიოდ და მეორე მხარეს არ ექნება უფლება შეწყვიტოს მემორანდუმი ამ საფუძვლით, თუ კანონმდებლობით სხვა რამ არ არის გათვალისწინებული.

დამატებითი დებულებები

19. წინამდებარე მემორანდუმი ძალაში შედის მისი ხელმოწერის დღიდან.
20. წინამდებარე მემორანდუმი შედგენილია ქართულ ენაზე სამი თანაბარი იურიდიული ძალის მქონე ეგზემპლარად.

ხელმოწერები

საქართველოს მთავრობა

კახა კალაძე

შპს „მედიკალ ჯორჯია“

თეა გაბუნია

სს „ელექტროენერგეტიკული სისტემის კომერციული ოპერატორი“


ვახტანგ ამბოკაძე

დანართი N1

დასახელება	ადგილმდებარეობა	მდინარის ნიშნულები		წლიური გამომუშავება	სიმძლავრე
შაქსაქეთი ჰესი	ქარელის რაიონი, სოფ. ზემო შაქსაქეთი, ტაშისკარის სარწყავი სისტემის მაგისტრალური არხი	სათავე ნაგებობა მტკვარზე 734 მ. შაქსაქეთის დიუკერის ნიშნული 704 მ.	მდ. ფცას ნიშნული გამყვან არხთან 648 მ.	7.66 მნლ. კვტ.სთ	1.5 მეგავატი

დანართი N2

საშენებლო ფაზა	
ჰიდროელექტროსადგურის ექსპლუატაციაში მიღება	01.02.2016



საქართველოს მთავრობის განკარგულება


№2633 2015 წლის 11 დეკემბერი ქ.თბილისი

საქართველოს მთავრობას, შპს „მედგრუპ ჯორჯიასა“ და
სს „ელექტროენერგეტიკული სისტემის კომერციულ ოპერატორს“ შორის
დასადები ურთიერთგაგების მემორანდუმის თაობაზე

1. მოწონებულ იქნეს საქართველოს მთავრობას, შპს „მედგრუპ ჯორჯიასა“ და სს „ელექტროენერგეტიკული სისტემის კომერციულ ოპერატორს“ შორის დასადები ურთიერთგაგების მემორანდუმის პროექტი.

2. „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის 27-ე მუხლის შესაბამისად, ურთიერთგაგების მემორანდუმს საქართველოს მთავრობის სახელით ხელი მოაწეროს საქართველოს ენერგეტიკის მინისტრმა კახა კალაძემ.

პრემიერ-მინისტრი



ირაკლი დარიბაშვილი

7034



საქართველოს იუსტიციის სამინისტრო
MINISTRY OF JUSTICE OF GEORGIA



KA010111715441015

საქართველო, ქ. თბილისი, 0114, გორგასლის ქ.24 ა. ტელ.: 2 40-51-48, 2 40-58-36; ელ.ფოსტა: info@justice.gov.ge
24 a, Gorgasali str., 0114, Tbilisi, Tel.: 2 40-51-48, 2 40-58-36, E-MAIL: info@justice.gov.ge

№8814

26 / ნოემბერი / 2015 წ.

საქართველოს ენერგეტიკის მინისტრის
მოადგილეს,
ბატონ ირაკლი ხმალაძეს


ბატონო ირაკლი,

საქართველოს იუსტიციის სამინისტრომ განიხილა თქვენ მიერ 2015 წლის 25 ნოემბრის №04/4395 წერილით წარმოდგენილი საქართველოს მთავრობას, შპს „მედგრუპ ჯორჯიასა“ და სს „საქართველოს სახელმწიფო ელექტროსისტემას“ შორის დასადები ურთიერთგაგების მემორანდუმის პროექტი, რომელთან დაკავშირებითაც გაცნობებთ, რომ სამართლებრივი ხასიათის შენიშვნები არ გვაქვს.

პატივისცემით,

მინისტრის პირველი მოადგილე

ალექსანდრე ხარამიძე



ელექტროენერგეტიკული ბაზრის ოპერატორი
Electricity Market Operator

საქართველო, თბილისი, 0114, ბარათაშვილის ქ. 2
ტელეფონი: 2401420; ფაქსი: 2601915

2 Baratashvili Str., 0114 Tbilisi, Georgia
Phone: +995 32 2401420; Fax: +995 32 2601915

N 01/1160
13/11/2015

1160-01-2-201511131233



თანხმობა ხელმოსაწერი
ურთიერთგაგების მემორანდუმის
პროექტზე

საქართველოს ენერგეტიკის მინისტრის
მოადგილეს ბატონ ირაკლი ხმალაძეს

ბატონო ირაკლი,

საქართველოს ენერგეტიკის სამინისტროს 2015 წლის 11 ნოემბრის #04/4232 წერილის პასუხად გაცნობებთ, რომ ბაზრის ოპერატორმა განიხილა საქართველოს მთავრობას, სს „ელექტროენერგეტიკული სისტემის კომერციულ ოპერატორსა“ და შპს „მედგრუპ ჯორჯიას“ შორის დასადები ურთიერთგაგების მემორანდუმის პროექტი (შაქშაქ ჰესი), რომელთან დაკავშირებითაც შენიშვნები არ გაგვაჩნია.

პატივისცემით,

ვახტანგი ამბოკაძე

გენერალური დირექტორი

OFFICE@ESCO.GE • WWW.ESCO.GE

სს „ელექტროენერგეტიკული სისტემის კომერციული ოპერატორი“
რეგისტრირებულია ქ. თბილისის საგადასახადო ინსპექციის მიერ 07.08.2006; საიდ.კოდი 205170036

ELECTRICITY SYSTEM COMMERCIAL OPERATOR JSC
Registered by Tbilisi Tax Inspectorate on 07.08.2006; ID CODE 205170036